

世醫通變要法

七



世醫通變要法卷下一

天庖瘡一百五十

夫天庖瘡者皆由人之自取殆非無故而遽有此患也或因嗜慾過度或因宿歇娼婦而爲穢汗之所染故發此瘡然治之者亦必審其所以然也今世俗於瘡發之時服藥多有變成癰癰風痛或結成瘡毒腫塊或出膿出血臭不可近富貴之人求醫忌口間或保全貧者凡百不思多喪其命深可憫哉余留心閱諸方皆無治法丹溪教人以通聖中加減量人厚薄治療得効雖遲而病者十無一壞世俗皆不遵用即

今瘡法異端方法繁雜得病求醫用藥者口傳筆授
不審病人虛實脾胃冷熱稟賦厚薄遂以大劑輕粉
雄黃丹砂龍麝諸毒之劑以毒攻毒之說殊不知此
藥施與賦厚血實之人猶可庶幾間或稟薄形冷血
少之人服之死期逼矣按藥性云毒藥虫魚并石部
乳香輕粉信枯礬蓋輕粉寒涼損氣傷血之劑麝香
走脾入肉龍腦入腎透骨如瘡初發驟用此藥遂將
風毒引進經絡如油入麵莫知得出所以變成異端
風毒如此治法誤人者多矣余特此叅出方法但以
解毒去風涼血諒人虛實功出自然可以保全亦無

罪歸於醫患家亦不可求其効速反自取死誠可驚焉大抵瘡毒或色似梅花者又有瘡似綿花子者各另具治法分門于後臨病之時宜認辯之

主方經驗 治大庖瘡月發并楊梅綿花俱服十貼除根

當歸

人參

防風

各二兩半

荊芥

白鮮皮

薏苡仁

各二兩

皂角子

六十箇

土茯苓

六兩

甘草

炙一兩

右咀每服七錢水煎服外用癰疽門膏藥貼之

加減芎歸湯

方見楊梅瘡門

治天庖瘡倍加白芍



藥當歸

楊梅瘡一百五十一

主方經驗芎歸湯 治楊梅瘡其色如楊梅者可服

川芎

川歸

白芍藥各二兩半

胡麻

防風

羌活

白蒺藜

各二兩

何首烏

白殭蠶

枸杞子

白芷

各一兩半

牛蒡子

苦參

荊芥

連翹

天花粉

黃芩

各一兩

蔓荊子

一兩

右咀每服五錢水煎服



方經驗 治搽楊梅等瘡用

野菊花

棗木根

煎湯洗

黃栢

滑石

研末搽之

主方經驗

治綿花瘡色如綿花用

土茯苓

五兩

皂角子

五十粒

羌活

防風

荆芥

當歸

各二兩

甘草

一兩

右咀每服五錢水煎空心服

又方經驗

治食輕粉黃丹等藥發腫毒塊破爛臭

氣人不可近服此圓一錢即時不痛不臭神効



川椒

去子三錢

雲母石

乳香

沒藥

血竭

雄黃

硃砂

黃丹

各二錢

熊膽

冰片

各一錢

麝香

五分

人中黃

人中白

火煨各二錢半

犀角

虎骨

火煨各三錢

輕粉

五分引進各藥入經絡消散先食輕粉不可不服

右各為末飯為圓如菰豆大每服五分米湯送下

加減寄生湯

方見痛風門

治筋骨痛者可服

加減芎歸湯

方見楊梅瘡門

治楊梅等瘡皆可服

疥瘡一百五十二

夫疔瘡者由四時迭更陰陽交變此二氣互相擊怒必成暴氣然暴氣卒然大風大霧大寒大熱若不能避而遇襲於皮膚入於四體傳注經脉遂使腠理結滿陰陽二氣不得宣通遂成疔毒但疔毒之名有三種必發於手足間生黃泡其中或紫色有一帶紅線直入者用針於線處刺去毒血水針時以知痛出血爲妙否則紅線入腹攻心必致危困凡治疔毒先以麵漿水飲之吐則是不吐則非也大抵脉洪而數者難愈也

主方經驗

治疔毒用荔枝肉一兩陳白梅七錢右

二味研成膏用針刺破毒口以藥敷之其疔毒即出

又方經驗 治疔毒用蒼耳子莖葉燒灰以醋調塗
瘡上毒根即出或用藍靛調塗亦可仍用藥服大効

加減甘草湯 治疔瘡

防風

二兩半

甘草節

白殭蠶

青皮

黃連

羌活

獨活

各一兩

蟬脫

五錢

赤芍藥

旱蘭葉

各一兩半

細辛

七錢

右咀每服五錢薑半片搗細熱酒和服或酒水各半煎亦可病熱減酒入大黃少許煎服

加減萬病解毒圖

方見解毒門

此藥能清心行血

解諸毒用井花水磨之是為神僊妙藥

一法經驗 治疥瘡用雄黃五錢為末先用針刺四

圍及中醋和調塗之

雜瘡一百五十三

夫瘡之為病雖不害人或痛或痒實有不安也經云諸瘡痛痒皆屬於心四氣鬱滯或飲食不節毒蘊腸胃發見於皮膚所以瘡腫狀類不一或生於手足或

發於遍身或痒痛或腫或發癰癰或瓜之凸起或
瘡癰膿水浸澁治法先理心血祛風熱外則加以傳
洗則愈矣予考瘡瘍多端各分瘡名并經驗方法于
後照依治療瘡可愈矣

主方經驗 治肺熱生瘡用

苦參

荊芥

各五兩

右爲末飯爲圓如梧桐子大每服五十圓空心酒

送下

又方經驗

治遍身生瘡諸藥不効者用

栴榔

五箇

硫黃

生用

膩粉

各一錢



右為末和均每用一錢安於手心相油調臨臥搽
於外腎脬不可藥亦不得洗手但搽令乾而已
五次即愈

加減當歸散 治心血凝滯內蘊風熱發見皮膚遍

身瘡疥或痒或痛或有赤丹

當歸

白芍藥

川芎

生地黃

各二兩

白蒺藜

荊芥

何首烏

黃耆

防風

各一兩半

甘草

七錢

右咀每服五錢薑二片水煎大便結加大黃有熱

加黃連蕃稻各一兩亦可

加減消風散

方見頭痛門

治風熱生瘡加黃柏

麻石菖蒲何首烏苦參各等分

魚臍瘡一百五十四

主方經驗

治魚臍瘡久不瘥者

芫花

二兩

黑豆

二合

猪牙皂角

二兩

白礬

三兩煨

右用醋一斗將前三味先浸三日於釜中煎至二升去滓却入鎗中煎至一升入白礬末攪令均去火成膏但是魚臍丹惡瘡離於帛上貼之即痊

又方經驗 治魚臍瘡初已成未成服之即愈

韭菜

連鬚葱白

絲瓜葉

各等分

右入石鉢內搗爛如泥以酒和圓一粒貼腋下如
病在左貼左腋下右手貼右腋下在左脚貼左脰
右脚貼右脰如在中貼心臍並用布帛搏住候肉
下紅線處皆白則可但如有潮熱亦用此法却用
人抱住恐其顛倒則難救矣

灸瘡一百五十五

主方經驗 治灸瘡痛不止用栢葉芙蓉葉端午午
時採陰乾爲細末每遇灸瘡黑蓋子脫了水調少

許如膏藥貼於紙上貼之即愈

一法貼灸瘡用車前子葉貼於瘡上即痊

凍瘡一百五十六

主方經驗 治諸處凍瘡久不瘥年年發不歇先痒後痛然後腫破出黃水不止用雄雉黃一枚搗爛黃蠟各等分清油減半右同於慢火如治脚手凍瘡用橄欖燒存性爲末入輕粉油調塗上

癩頭瘡一百五十七

主方經驗 治癩頭瘡即厚壓是也肥瘡也

黃栢二兩

枯礬六錢

黃丹四錢

蛇床子 一兩
五倍子 一兩半

松香末 一兩

右爲末用香油調搽加輕粉此少

又方經驗 治小兒禿瘡頭上白剥如癬上有白皮

久則成痂色遂至滿頭內有小虫

苦練根 燒灰
楨榔
雄黃 各五錢

白礬 二錢
硫黃 七錢
輕粉 些少

右爲末同麻油調鴨子大約頭大小作餅溫覆頭

上引出待痒甚揭去之

加味黃連散 治熱發瘡遍身多出膿血赤爛如火



黃連

黃栢

各三兩

赤小豆

萊豆粉

各一合

寒水石

甘草

紫草

漏蘆

各七錢

右為末用香油調搽一日三次即愈

一法治頭上虱瘡腫痛臭爛用銀硃麝紙裹烟薰髮裏虫死即愈如神

反花瘡一百五十八

主方經驗

治反花瘡及似花之狀

胭脂

貝母

各三錢

胡粉二錢半

明砂

沒藥

各二錢

